

**20XX-IMI ISERTITANUT PAASISSUTISSAQ - A 11**

**Akileraaruserinermik ingerlatsineq pillugu Inatsisartut inatsisaanni nr. 11, 2. november 2006-imeersumi §§-ini 30, 31 aamma 32-mi aalajangersakkat**

<p><b>§ 30</b></p>	<p>Akileraarutininik annertussusiliinerimi akileraarutissanillu naatsorsuinerimi atugassanik kikkulluunniit akileraarutit pillugit inatsimmi § 75, imm. 1-imi aamma 2-mi taaneqartunik suliffeqarfimmini aningaasarsianik akiliisoq ukiut tamaasa qaammatip januarip naannginnerani aningaasat taamaattut akilernerqartut tamarmiusut kiisalu akileraarutit A-t unerartitat annertussusaannik nalunaaruteqassapput. Aammattaaq paasissutissat uku tunniunneqassapput:</p> <ol style="list-style-type: none"> <li>1) tiguisut ataasiakkaat aningaasarsiaat tamakkerlugit,</li> <li>2) aningaasarsianit akileraarutit A-t unerartitat,</li> <li>3) sulisut ataasiakkaat soraarnerussutisianut imaluunniit inuunermut sillimmasiinerannut sulisitsisut akiliutaat aningaasarsianit akileraarutit pillugit inatsisartut inatsisaanni § 41, imm. 2-p ataani ilaasut aningaasartaat tamarmiusut,</li> <li>4) ajunngitsorsiat tamarmiusut ilaannakortulluunniit soorlu nerisaqarneq ineqarnerlu, najugaqarneq, akunnit-tarfinniinneq, angalanerit, biilit telefonilu assigisaallu,</li> <li>5) tiguisup aqqa, inuttut normua, najugaa aamma kommuni akileraartarfia aamma</li> <li>6) paasissutaasinnaasut allat tiguisup kinaanerani paasinninnissamut pisariaqartut,</li> </ol> <p><i>Imm. 2.</i> Suliffeqarfik atorunnaarpat ukiumi aningaasarsiorffiusumi ingerlareersumi paasissutissat tunniunneqassapput kingusinnerpaamik aningaasarsititsivimmiit kingullermit ullut qulit qaangiuppata.</p> <p><i>Imm. 3.</i> Kikkulluunniit atuakkiortunut, erinniortunut, eqqumiitsuliortunut, oqalugiartartunut assigisaannulluunniit aningaasarsitsisitsisut, suliffeqarfimmik atornermut attartornermulluunniit, kisermaassilluni atuisinnaanermut imaluunniit patentimik atuisinnaanermut akitsuutininik, ilusilersukkanut, nioqqutissap ilisarnaataanut assigisaannulluunniit akiliisoq, akitsuut ingerlaavartumik akilernerqartaraluarpat ataatsikkulluunniit akilernerqaraluarpat imm. 1-imi aalajangersagaq malillugu paasissutissanik tunniussisussaataapput.</p> <p><i>Imm. 4.</i> Akunnermiliuttoq aqqutigalugu aningaasarsianik akiliisoqarpat, taanna paasissutissiisussaataitaavoq, sulisitsisoq paasissutissanik tunniussisinnaangippat. Sulisitsisoq, imaluunniit akunnermiliuttoq, ikiortissarsinermini taassuma aqqanik, najugaqarfianik eqqortumik kiisalu inuup normuanik pissarsissaaq.</p> <p><i>Imm. 5.</i> Paasissutissat akileraaruseriffimmut tunniunneqassapput.</p>
<p><b>§ 31</b></p>	<p>Tiguisartooq § 30-mi taaneqartunik isertitaqartartooq Kalaallit Nunaanni akileraartussaataitaajunnaarpat, paasissutissiisussaataitaasoq qinnuivigineqarnini malillugu paasissutissiisaaq § 30-mi taaneqartut aningaasat annertussusaannik qaammatisiutit malillugit ukiup aallartineraniit akileraartussaataitaanerup atorunnaarnerata tungaanut pineqartup aningaasarsiaannik kiisalu akileraarutit A-t unerartitat annertussusaannik.</p> <p><i>Imm. 2.</i> Taamatutaaq qinnuivigineqarneq malillugu pineqartooq taassumaluunniit sinniisua, imaluunniit toqusup qimataanik aqutsisuusinnaasoq, paasissutissanik tunineqassaaq.</p>
<p><b>§ 32</b></p>	<p>§ 30 aamma § 31, imm. 1 malillugu aningaasarsiaqartooq pillugu paasissutissat assilineranik aningaasarsiaqartooq tunineqassaaq.</p>

**Aningaasarsianit akileraarutit pillugit paasissutissanik nalunaaruteqartarneq pillugu Namminersorlutik Oqarussat nalunaarutaannit nr. 8, 18. juni 2010-imeersumiit issuaanerit**

<p><b>§ 2</b></p>	<p style="text-align: center;"><i>Ilinniagaqarnersiutit</i></p> <p>Namminersorlutik Oqartussat ukiut tamaasa ukiup siuliani ilinniagaqarnersiutit ani-ngaasanngorlugit tunniunneqarsimasut pillugit paasissutissat akileraaruseriffimmut piumaffigineqaaqqaaratik nassiuttassavaat, tassunga ilanngullugu aningaasanik tiguisut kikkuunerinik, inuup normuanik ilalerlugit paasissutissiisassapput.</p> <p><i>Imm. 2.</i> Paasissutissanik nalunaaruteqarnermi ilaatinneqartussap nalunaaruteqartussaataitaasumut kinaassutsini pillugu ilisimatitsissaaq, tassunga ilanngullugu inuttut normuni.</p> <p><i>Imm. 3.</i> Paasissutissat nalunaarutigineqartut pillugit Namminersorlutik Oqartussat ilinniagaqarnersiutinik pisartaqartut ilisimatittassavaat.</p> <p><i>Imm. 4.</i> Nalunaaruteqarneq pillugu najoqqutassanik erseqqinnerusunik akileraaruseriffik aalajangersaasinnaa-</p>
-------------------	--

	voq, tassunga ilanngullugu paasissutissiisussaataanermt piumasaqaatinik annikinnerulersitsisinaanermt aamma ilinniagaqarnerstiutitik pisartagaqartunut ilisimatitsisarneq pillugu.
<b>§ 3</b>	<p style="text-align: center;"><i>Nalinik nalunaaruteqarneq</i></p> <p>Tamakkiisumik ilaannakortumilluunniit ajunngitsorsiat soorlu akeqanngitsumik nerisaqarneq illusimanerlu, inigisaqarneq, najugaqarallarneq, angalanerit, biilit oqarasuaatillu il.il. pillugit nalunaaruteqarnermi, akileraaruserinermik ingerlatsineq pillugu Inatsisartut inatsisaanni § 30, imm. 1, nr. 4 naapertorlugu nalunaaruteqartussaa-titaasup ajunngitsorsiap nalinga pillugu nalunaaruteqassaaq. Ajunngitsorsianut tunngatillugu ukiuumut aningaa-sarsiorfiusumut pineqartumut nalit inatsisitigut aalajangersakkat imaluunniit nalit Naalakkersuisunit aalajanger-sarneqarsimasut naapertorlugit naliliisoqassaaq.</p>
<b>§ 4</b>	<p style="text-align: center;"><i>Meeqqanut akilersuutit</i></p> <p>Meeqqanut akilersuutit il.il. kiisalu meeravissartaarnermi tapiissutit tunniunneqartarneri pillugit Inatsisartut peqqussutaat malillugu Namminersorlutik Oqartussat kommunillu meeqqanut akilersuutitik akileeqqussisut, ukiut tamaasa piumaffigineqaaqaarnatik makku pillugit paasissutissanik akileraaruseriffimmut tunniussisassap-put:</p> <ol style="list-style-type: none"> <li>1) Akilersuisussaataasup inuttut normua najugaalu.</li> <li>2) Akilersuutitik pissassaqartup inuttut normua najugaalu.</li> <li>3) Ukiup siuliani akilersuisussaataasumiit akiliutigineqartut annertussusaat.</li> </ol> <p><i>Imm.</i> 2. Paasissutissanik tunniussisussaataaneq pillugu najoqqutassanik erseqqinnerusunik akileraaruseriffik aalajangersaasinnaavoq, tassunga ilanngullugu paasissutissiisussaataanermt piumasaqaatinik annikinneru-lersitsisinaalluni.</p>
<b>§ 5</b>	<p style="text-align: center;"><i>Pisortat tunitsivigineqartut attartortitsinerillu ilaannik isumaqatigiissuteqartut</i></p> <p>Namminersorlutik Oqartussat, Naalakkersuisut allaffeqarfii, Inatsisartut allaffeqarfiat, Kalaallit Nunaata Radioa, suliffeqarfiit namminersortitat il.il. aamma Kalaallit Nunaanni kommunitt, aalisarnermiit, piniarnermiit, aallaani- arnermiit, savaateqarnermiit tuttuuteqarnermiillu, eqqumiitsuliornermiit sanalunnermiillu tunisassianik tunitsi- vigineqarnermt atatillugu aningaasarsiat B-nik akiliuteqartartut ukiut tamaasa piumaffigineqaaqaaratik makku pillugit paasissutissanik akileraaruseriffimmut tunniussisassapput:</p> <ol style="list-style-type: none"> <li>1) Aningaasarsiat B-nik tiguisup inuttut normua imaluunniit GER-normua.</li> <li>2) Ukiup siuliani tunisinermt atatillugu aningaasarsiat B-t tiguisumut tunniunneqartut annertussusaat.</li> </ol> <p><i>Imm.</i> 2. Namminersorlutik Oqartussat kommunillu, inunnit angallammik, qimussimik allatigullu inunnut assar- tuummik attartortut ukiut tamaasa piumaffigineqaaqaaratik makku pillugit paasissutissanik akileraaruseriffim- mut tunniussisassapput:</p> <ol style="list-style-type: none"> <li>1) Attartortitsisup inuttut normua imaluunniit IIN-normua.</li> <li>2) Ukiup siuliani attartortitsisumut akissarsiatut tunniunneqartut annertussusaat.</li> </ol> <p><i>Imm.</i> 3. <i>Imm.</i> 1 aamma 2-mi paasissutissanik taaneqartunik tunniussisussaataaneq pillugu najoqqutassanik er- seqqinnerusunik akileraaruseriffik aalajangersaasinnaavoq, tassunga ilanngullugu paasissutissiisussaataaner- mt piumasaqaatinik annikinnerulersitsisinaalluni.</p>
<b>§ 6</b>	<p style="text-align: center;"><i>Nutserisut akissarsiaat</i></p> <p>Translatørinut, oqalutsinut, nutserisunut assigisaannullu akissarsiat akileraarutit A-nut unerartitsinertaqanngit- sunik akiliisoq ukiut tamaasa piumaffigineqaaqaarnani makku pillugit paasissutissanik akileraaruseriffimmut tunniussisaaq:</p> <ol style="list-style-type: none"> <li>1) Tiguisup inuttut normua imaluunniit IIN-normua.</li> <li>2) Ukiup siuliani tiguisumut akissarsiat tunniunneqartut annertussusaat.</li> </ol> <p><i>Imm.</i> 2. Paasissutissanik tunniussisussaataaneq pillugu najoqqutassanik erseqqinnerusunik akileraaruseriffik aalajangersaasinnaavoq, tassunga ilanngullugu paasissutissiisussaataanermt piumasaqaatinik annikinneruler- sitsisinaalluni.</p>
<b>§ 7</b>	<p style="text-align: center;"><i>Ilaasortaanermt akiliutit</i></p> <p>Suliatigut peqatigiiffiit soorlu akileraaruserinermik ingerlatsineq pillugu Inatsisartut inatsisaanni § 33 c, imm. 1- imi taaneqartut ukiup siuliani ilaasortaniit akiliutit tiguneqartut pillugit ukiut tamaasa piumaffigineqaaqaar- natik paasissutissanik akileraaruseriffimmut tunniussisassapput, tassunga ilanngullugu ilaasortap akiliutaanut attuumassuteqartumut kinaassutsimut inuup normuanik ilalerlugit paasissutissat. Akiliutit nalunaarutigineqar- tut annertussusaat pillugit paasissutissiisussaq ilaasortanut nalunaaruteqassaaq.</p> <p><i>Imm.</i> 2. Paasissutissanik nalunaaruteqarnermi ilaatinneqartussap nalunaaruteqartussaatitaasumut kinaassutsini</p>

	<p>pillugu ilisimatitsissaaq, tassunga ilanngullugu inuttut normuni.  <i>Imm.</i> 3. Nalunaaruteqarnissaaq pillugu najoqqutassanik erseqqinnerusunik akileraaruseriffik aalajangersaasinnaavoq, tassunga ilanngullugu paasissutissiisussaataitanermut piumasaqaatinik annikinnerulersitsisinaalluni.</p>
<b>§ 8</b>	<p style="text-align: center;"><i>Akiliunneqarluni angalanerit</i></p> <p>Inuit imaluunniit inatsisitigut inuttut pisinnaatitaasut, tassunga ilanngullugit sulingiffeqarnermi aningaasaateqarfiit, atorfinitsisinermit pissutsit avataasigut inunnut imaluunniit pisortani atorfeqartunut akiliussillutik angalanernut tapiissuteqartut, ukiut tamaasa piumaffigineqaqqaarnatik akileraaruseriffimmut makku pillugit paasissutissanik tunniussissapput:</p> <ol style="list-style-type: none"> <li>1) Tapiissutisinnatitaasut allallu tapiissutisisut inuttut normui.</li> <li>2) Ukiup siuliani tapiissutisinnatitaasup angalaneri tamakkiisut amerlassusaat.</li> <li>3) Ukiup siuliani tapiissutisinnatitaasumut tapiissutigineqartut annertussusaat.</li> </ol>
<b>§ 9</b>	<p style="text-align: center;"><i>Piffissaq</i></p> <p>§§-it 2-miit 8-mut paasissutissat taaneqartut ukiumi paasissutissanut attuumassuteqartut ukiup tulliani kingusinnerpaamik 31. januarimi akileraaruseriffimmut nalunaarutigineqassapput.</p>

## Isertitanut paasissutissiisutit - A11 - nassiuarnera

### Isertitanik pissarsisoq aamma sulisitsisoq pillugit paasissutissat:

<b>Inuup-normua</b>	Sulisorisap inuttut-normua allanneqassaaq – taanna skattekortimi allaqqa-voq.
<b>Atorfik, ateq najugarlu</b>	Sulisorisap atorfia, aqqa najugaalu allanneqassapput – aqqa najugaalu skattekortimi allaqqapput.
<b>Sulisitsisup IIN-normua, aqqa najugaalu</b>	Sulisitsisup IIN-normua, aqqa najugaalu allanneqassapput.
<b>Kommune akileraarfik</b>	Sulisorisap kommune akileraarfia allanneqassaaq – taanna skattekortimi allaqqavoq.

### Piffissaq/-t atorfeqarfik/-it:

<b>Immikkoortoq 100</b>	Sulisorisaq ukioq tamaat sulisorineqarsimappat immikkoortoq 100 krydsileneqassaaq.
<b>Immikkoortoq 101</b>	Sulisorisaq ukiup ingerlanerani piffissami atasuinnarmi sulisorineqarsimappat immikkoortoq 101 immersorneqassaaq.
<b>Immikkoortoq 102</b>	Kisitsisit atorlugit nalunaarsuusiornissamut atugassatut immikkoortumi 102-mi nalunaarutigineqaqquneqarportaaq sulisorisaq ullormi 28/11-mi sulisorineqarsimanersoq.

<b>Aningaasarsiat A-t:</b>	
<b>Immikkoortoq 110 Aningaasarsiat A-t</b>	Aningaasarsiat A-t nalinginnaasut akileraarutit <b><u>ilanngaatigitinnagit</u></b> annertus-susaat nalunaarutigineqassapput. Feeriaqarnersiutit ilanngunneqarnissaat <b>eqqaamanegassaaq</b> .
<b>Immikkoortoq 110a</b>	Nunani allani soraarnerussutisiassatigut aqqissuussinermut akiliutit tamak-kiiisut akileraaruserneqartussat annertussusaat nalunaarutigineqassapput, takuuk Aningaasarsianit akileraarutit pillugit Inatsisartut inatsisaata allan-gortinneqarneranik Inatsisartut inatsisaat nr. 7, 6. juni 2016-imeersaq.
<b>Immikkoortoq 110b</b>	Nunani allani soraarnerussutisiassatigut aqqissuussinermut akiliutinut ta-piissutit akileraaruserneqartussat nalunaarutigineqassapput, takuuk Aningaa-sarsianit akileraarutit pillugit Inatsisartut inatsisaata allanngortinneqarnera-nik Inatsisartut inatsisaat nr. 7, 6. Juni 2016-imeersumi § 2.
<b>Immikkoortoq 111 Utoqqalinermi pensionit</b>	Utoqqalinermi pensionit (tunngaviusumik aningaasartat) nalunaarutigineqas-sapput.
<b>Immikkoortoq 112 Siusinaartumik pensionit</b>	Siusinaartumik pensionit (tunngaviusumik aningaasartat) nalunaarutigineqas-sapput.
<b>Immikkoortoq 113 Suliffeqanngikkal-larnermi ikiorsiis-sutit</b>	Suliffeqanngikkallarnermi ikiorsiissutit nalunaarutigineqassapput.
<b>Immikkoortoq 114 Pisortanit ikiorsiis-sutit</b>	Pilersuinerneq akiligassanullu aalajangersimasunut pisortanit ikiorsiissutit nalunaarutigineqassapput.
<b>Immikkoortoq 115 DIS/GIS-imit iserti-tat</b>	DIS/GIS-imit isertitat nalunaarutigineqassapput.
<b>Immikkoortoq 116 Tunisanit isertitat</b>	Aalisarnermit, piniarnermit aallaaniarnermit savaateqarnermillu tunisassianik Kalaallit Nunaanni tunisassiorfinnut tunisinermit isertitat tamarmiusut nalu-naarutigineqassapput.
<b>Immikkoortoq 117 Ilaasortaanermut akiliutit</b>	KNAPK-mut ilaasortaanermut akiliutit nalunaarutigineqassapput.
<b>Akileraarutit A-t unerartitat:</b>	
<b>Immikkoortoq 130 Akileraarutit A-t unerartitat</b>	Akileraarutit A-t unerartitat nalunaarutigineqassapput. Feeriaqarnersiutinit akileraarutit A-t unerartitat ilanngunneqarnissaat <b><u>eqqaamanegassapput</u></b> .
<b>Immikkoortoq 131</b>	Nunani allani soraarnerussutisiassatigut aqqissuussinermut akiliutinit akileraarutit A-t unerartitat nalunaarutigineqassapput.

<b>Immikkoortoq 131a</b>	Nunani allani soraarnerussutisiassatigut aqqissuussinermut akiliutinut tapiisutinit akileraarutit A-t unerartitat nalunaarutigineqassapput.
<b>Aningaasarsiat B-t:</b>	
<b>Immikkoortoq 140 Ilinniagaqarnersiutit</b>	Ilinniagaqarnersiutit, taakkununga tapit assigisaallu ilanngunnagit, nalunaarutigineqassapput.
<b>Immikkoortoq 141 Paaqqinninersiutit</b>	Paaqqinninersiutit akileraarutit A-nik unerartitsivigineqartussaangitsut tasuuna nalunaarutigineqassapput.
<b>Immikkoortoq 142 Akilersuutisiat</b>	Akilersuutisiat nalunaarutigineqassapput.
<b>Immikkoortoq 143 Nutserisutut akisarsiat il.il.</b>	Translatørinut, oqalutsinut, nutserisunut assigisaannullu akissarsiat akileraarutit A-nut unerartitsivigineqartussaangitsut uani nalunaarutigineqassapput, takuuk nalunaarummi qulaani taaneqartumi § 6.
<b>Immikkoortoq 144 Akeqangitsumik telephoneqartitaaneq</b>	<p>Akeqangitsumik telephoneqartitaanerup nalinga kr.-inngorlugu nalunaarutigineqassaaq, sulisitsisup il.il. telefonimut akiliutissaq ukioq tamaat akilersimapagu, taamaangippat naammaattusakkamik naliliisoqassaaq, annerpaamilli sulisitsisup akilersimasaattut annertutigisut.</p> <p>Sulisorisap angerlarsimaffiani telefonip atugassarititaasup saniatigut telefoninik arlalinnik, assersuutigalugu telefonimik angallattakkamik, atugassaqartitaasimappat annertunerusumik akileraarusersuisoqassanngilaq.</p> <p>Sulisorisap telefonimut akiligassat ilai akilertarpagit, assersuutigalugu sulisitsisumut qaammammut akiliuteqartarluni, taava nammineq akiliutigisimasai nalimit akileraarusersorneqartussamit ilanngaaticigineqassapput.</p> <p>Sulisorisap nammineq telephoneqarnera apeqqutaatinnagu akileraarusersuuffigineqassaaq, kisiannili telefonimut akiliutissat sulisitsisumit akilernerqarsimasunit sulisorisap nammineq telefonerisaminut akiliutigisaattut annertutigisut ilanngaaticigineqarsinnaapput. Taamatut nalimik appartitsineq sulisorisap nammineerluni nalunaarsuiffimmini allassavaa.</p> <p>Sulisorisap telephoneqarnermut sulisitsisuminit tapiiffigineqarpat, tapiissutisarineqartunit akileraarutit A-nut unerartitsisoqassaaq. Aningaasarsiat akileraaruteqaataasussat naatsorsorneqarnerini sulisorisap taamaalilluni telefonimut aningaasartuutit inuussutissarsiornermut atornerqarsimasut uppernarsaaserneqarsimasut ilanngaaticigisinnaavai.</p> <p>Sulisorisap Kalaallit Nunaanni suliamut atasumik inigisani telefonit pillugit kaajallaasitaq 14. juni 1972-imeersoq naapertorlugu taamaallaat telephoneqarnermut kiisalu oqaluussinernut akiliutinut tapiiffigineqartaruni, tapiissutisiat taakku akileraaruserneqassanngillat. Tapiissutisiat kaajallaasitami nalinit amerlaneruppata amerlanerussutaasut akileraaruteqaataasussaapput, taamaalillunilu amerlanerussutaasunit akileraarutit A-nut unerartitsisoqassallu-</p>

	ni.
<b>Immikkoortoq 144a</b>	<p>Akeqanngitsumik internettersinnaatitaanerup nalinga kr.-inngorlugu nalunaarutigineqassaaq.</p> <p>Akeqanngitsumik internettersinnaatitaanerup nalinga akileraaruteqaataasussaaq, tassaavoq sulisup ukiumut internettimut attaviit kabelillit kabeleqanngitsullu aqqutigalugit internettimik atuinnermut sulisitsisup aningaasartuutivii. Matumani taamaallaat internettimut attaveqarnerit sulisitsisup internettimut attaviisa avataaniittut pineqarput. Tassaasinnaapput attaviit bredbåndit, ADSL-it assigisaallu. Tassa imaappoq sulisitsisup suliffiup nalinginnaasup nalaani internettimut attaveqaateqarnera atorlugu internetterneq ilaatinneqanngilaq.</p> <p>Mobiltelefoninut nalinginnaasumik atuisuuffiusinnaasut atorlugit internetterneq ilaatinneqanngilaq, tassa mobiltelefoni telefonitut nalinginnartut isigineqassammat.</p> <p>Ukiumut tamarmiusumut internettimut aningaasartuutit sulisitsisumit akilernerqartut, sulisup namminerisamik internettimut attaveqarnerminut atuinnerminullu akiliutaanit appartinneqarsinnaangillat.</p> <p>Suliamut atatillugu kiisalu namminerisamik internetternissamut atuisuuffinik arlaannik atuinnermut atatillugu innersuutigineqassaaq Akileraartarnermut Aqutsisoqarfimmit Nalunaarut nr. 93, 12. oktober 2015-imeersoq – <a href="http://www.aka.gl">www.aka.gl</a> -imi takuneqarsinnaavoq.</p>
<b>Immikkoortoq 145 Akeqanngitsumik biileqartitaaneq</b>	<p>Akeqanngitsumik biileqartitaanermi ullut qassiuneri kiisalu nalinga allanneqassapput.</p> <p>Innersuussineq: Akeqanngitsumik biileqartitaanerup akileraarutigut suliarinerqartarneranut tunngatillugu Akileraartarnermut Aqutsisoqarfiup kaajallaasitaa nr. 1, 17. september 2012-imeersoq.</p>
<b>Immikkoortoq 146 Akeqanngitsumik nerisaqartitaaneq</b>	<p>Akeqanngitsumik nerisaqartitaanermi ullut qassiuneri kiisalu nalinga allanneqassapput.</p> <p>(Avataasiornermi nerisaqartitaaneq uani ilanngunneqassanngilaq, kisiannili "paasissutissat allat"-ni (immikkoortoq 190-imi) nalunaarutigineqassallutik.</p>
<b>Immikkoortoq 147 Akeqanngitsumik ineqartitaaneq</b>	<p>Akeqanngitsumik ineqartitaanermi ullut qassiuneri kiisalu nalinga allanneqassapput.</p>
<b>Immikkoortoq 148 Akeqanngitsumik najugaqartitaaneq, utaqqiisaasumik ineqartitaaneq</b>	<p>Akeqanngitsumik tamakkiisumik ilaannakortumilluunniit ineqartitaanerup/utaqqiisaasumik inissiani/utaqqiisaasumik inigisassaaq sioqqullugu inissiani ineqartitaanerup nalinga kr.-inngorlugu allanneqassaaq.</p> <p>Akeqanngitsumik ineqartitaanerup (utaqqiisaasumik inigisat ilanngullugit)</p>

<b>neq il.il.</b>	<p>nalingata naatsorsuusiorneqarnera, regnearki – <a href="http://www.aka.gl">www.aka.gl</a>-imi immersuiffissat ataani aaneqarsinnaavoq.</p> <p>Inissiami ilaqutarinngisanik allanik aamma inisimasoqartillugu akeqanngitsumik ineqartitaanermut maleruagassat atuuttinneqassapput, taamaasillunilu akeqanngitsumik ineqartitaanermi ullut qassiuneri kiisalu nalinga immikkoortoq 147-imi (akeqanngitsumik ineqartitaaneq) allanneqassallutik.</p>
<b>Immikkoortoq 149 Akeqanngitsumik najugaqartitaaneq</b>	<p>Sulisorisaq (bestyrerit aammalu hoteldirektørit il.il.) akeqanngitsumik najugaqartitaasimappat, uani najugaqartitaanerp nalinga allanneqassaaq. Ilaqutaasut najugaqatigisimasaanut paasissutissat “Paasissutissat allat”-ni (immikkoortoq 190-imi) nalunaarutigineqassapput. Meeqqat ukiup aningaasarsiorfiup aallartinnerani 12-inik ukioqalersimanngitsut naliusup affaanut naatsorsuunneqassapput.</p>
<b>Immikkoortoq 150 Akiliunneqarluni angalanerit</b>	<p>Sulisorisap ukiup ingerlanerani akiliunneqarluni feeriarluni angalanerit <u>tamarmik</u> kiisalu taakkua nalingisa katinneri uani nalunaarutigineqassapput. Sulisorisap ilaqutai aamma akiliunneqarlutik feeriarluni angalaqataasimappata, tamanna allaffissami “Paasissutissat Allat” (immikkoorrtog 190-imi) nalunaarutigineqassaaq.</p> <p><u>Erseqqissarneqassaaq akiliunneqarluni feeriarluni angalanerit tamarmik nalunaarutigineqassammata.</u> Ataasiartumik akiliunneqarluni feeriarluni angalanerit aamma isertitanut paasissutissami nalunaarutigineqassaaq. Aningaasarsianik akileraaruteqaataasussanik naatsorsuineri akiliunneqarluni feeriarluni angalanerup nalinga akileraaruserneqartussaangitsoq naliliiffigineqarumaarpoq.</p>
<b>Immikkoortoq 151 Akeqanngitsumik angallateqartitaaneq</b>	<p>Sulisorisaq akeqanngitsumik angallateqartitaasimappat tamassumap nalinga nalunaarutigineqassaaq kisitsillu allanneqartoq “paasissutissaq allat” (immikkoortoq 190-imi) nassuiarneqassalluni.</p> <p>Angallatip pissarsiarinerani nalinga kiisalu ukiup ingerlanerani ingerlatsinermut aningaasartuutaasimasut, sillimmasiinerit akiliutit il.il. ilanngullugit nalunaarutigineqassapput.</p>
<b>Immikkoortoq 152 Angallammik, qimussimik allatigullu attartornermi akiliutit</b>	<p>Angallammik, qimussimik allatigulluunniit attartornermi akiliutit nalunaarutigineqassapput, takuuk nalunaarummi qulaani taaneqartumi § 5.</p>
<b>Immikkoortoq 153 Kalaalimineerniarfimmi tunisanit isertitat</b>	<p>Kalaalimineerniarfimmi tunisanit isertiat tamakkiisut nalunaarutigineqassapput, taakkunangalu akileraarutit akilersinneqartut akileraarutit A-t unerartitanut nalunaaruteqarfissami allanneqassallutik.</p>
<b>Immikkoortoq 154 Pisortat tunitsivi-</b>	<p>Pisortat tunitsivigineqarneranni isertitat nalunaarutigineqassapput, takuuk nalunaarummi qulaani taaneqartumi § 5.</p>

gineqarneranni isertitat	
<b>Immikkoortoq 155</b> <b>Allatigut aningaasarsiat B-t</b>	<p>Allatigut aningaasarsiat B-t akileraaruteqaataasussat suuneri kiisalu aningaasartai nalunaarutigineqassapput.</p> <p><b>MALUGIUK:</b> Aningaasarsiat B-t assigiinngitsut ataasiinnaanatik amerlaneruppata ataatsimoorlugit nalunaarsorneqassanngimmata. Taamaattumik immikkut nalunaarsorneqassapput.</p> <p>Immersortagaq naapertorlugu nalunaarsorneqassappata Aningaasarsiat B siulleq Immikkoortoq 155-mut suunera aningaasartaalu nalunaarsorlugit. Aningaasarsiat B-t sinneri Immikkoortoq 190-mut nalunaarsorneqassapput suuneri aningaasartaalu immikkut nalunaarsorlugit.</p> <p>Qarasaasiaq aqputigalugu nalunaarsuineri Aningaasarsiat B-t immikkut A11-qassapput suuneri aningaasartaalu Immikkoortoq 155-mut nalunaarsorlugit. Tamanna isumaqarpoq inuup normua ataaseq marlunnik imaluunnit amerlanerusunik Aningaasarsiat B-nik isertitaqarsimappat, Aningaasarsiat B-t amerlassusaanik immikkut A-11-qassammat.</p>
<b>Paasissutissat allat:</b>	
<b>Immikkoortoq 170</b> <b>Soraarnerussutisiasatigut aqqissuussinernut akilersuutit</b>	<p>Sulisorisanut ataasiakkaanut tunngasut soraarnerussutisiatigut inuunermullu sillimmasiissutitigut aqqissuussinernut kiisalu soraarnerussutisiasaqalernissaq siunertaralugu naafferartumik akilersuilluni sillimmasiutitut akiliutit, aningaasarsianit akileraarutit pillugit Inatsisartut inatsisaanni nr. 12, 2. november 2006-imeersumi §§-ini 39-mi aamma 40-mi pineqartunik sulisitsisup akilertagai nalunaarutigineqassapput. Tamanna atuuppoq sulisitsisup sulisorisallu akornanni sillimmasiinermit akiliutissanik avitseqatigiinnissaminnik isumaqatigiissuteqarsimagaluarpataluunniit.</p> <p>§§-ini 39-mi aamma 40-mi pineqartut tassaapput soraarnerussutisiasaqalernissaq siunertaralugu aqqissuussinernut akilersuutit aningaasarsianik akileraaruteqaataasussaannngitsunik naatsorsuineri ilanngunneqartussaannngitsut. Tassa imaappoq akiliutissat, sulisorisap aningaasarsiasaanit akileraarutit naatsorsorneqalertinnagit ilanngaatigineqareertussat.</p>
<b>Immikkoortoq 190</b> <b>Paasissutissat allat</b>	<p>Paasissutissat allat: Assersuutigalugu ilaqquttat najugaqatit aqqi, takuuk immikkoortoq 149 (akeqanngitsumik najugaqartitaaneq) aamma immikkoortoq 150 (akiliunneqarluni angalanerit), akeqanngitsumik angallateqartitaanermi kisitsit allanneqartoq nassuiarneqarnera, takuuk immikkoortoq 151.</p> <p>Avataasiarluni nerisaqarnermi: Ullut qassiuneri kiisalu akiliutigineqarsimasut katillugit annertussusaat allanneqassapput.</p>